

# PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG  
16 JANUARI 2021  
SABTU



AKHBAR

TAJUK BERITA

M/S

KOSMO

PERODUA KANCIL JADI TAPAK BISNES BURGER

2



## KOSMO

Kosmo SABTU 16 JANUARI 2021



MOHD. HALIM menunjukkan Perodua Kancil yang telah diubah suai untuk menjalankan perniagaan menjual burger di Taman Sierra Perdana, Masai, Pasir Gudang, Johor.

Bekas pekerja perkapalan keluar modal RM5,000

## Perodua Kancil jadi tapak bisnes burger

Oleh RAJA JAAFAR ALI

**JOHOR BAHRU** – Hendak seribu daya, tak hendak seribu dalih.

Itu yang dilakukan seorang bekas pekerja am syarikat perkapalan, Mohd. Halim Ratman, 45, yang berjaya mengubah suai sebuah kereta Perodua Kancil menjadi kendera saji atau *food truck* untuk menjalankan perniagaan menjual burger di Taman Sierra Perdana, Masai di sini.

Menurut Mohd. Halim, dia sebelum ini bekerja di salah sebuah syarikat perkapalan di Pasir Gudang, namun kehilangan kerja selepas majikannya terpaksa menghentikan operasi susulan Perintah Kawalan Pergerakan (PKP) akibat pandemik Covid-19 sejak Mac lalu.

Menurutnya, situasi itu

bagaimanapun tidak mematahkan semangatnya untuk mencari rezeki sebaliknya menggunakan wang simpanan yang ada untuk memulakan bisnes menjual burger dikenali MHR Burgers.

“Selepas kerajaan umum PKP pada Mac tahun lalu, syarikat tempat saya bekerja terpaksa tutup operasi, memang rasa tertekan sebab hilang kerja tapi hidup kena teruskan.

“Idea membuka gerai burger menggunakan kereta Kancil timbul apabila saya melihat sebuah rancangan di televisyen bagaimana seorang penjaja mengubah suai kereta untuk dijadikan gerai,” katanya ketika ditemui Kosmo di sini baru-baru ini.

Tanpa melengahkan masa, Mohd. Halim terus membuka langkah untuk memulakan bis-

nes dengan membeli sebuah kereta Perodua Kancil terpakai dengan harga RM500.

Jelas bapa kepada tiga cahaya mata itu, dia mengubah suai kereta kompak itu kepada kendera saji hasil sentuhan sendiri dengan kos kira-kira RM4,000.

Berbekalkan pengalaman menjual burger sejak umur belasan tahun, Mohd. Halim bersama isterinya, Dayang Salbiah M. Arshad, 34, membuka kendera sajinya di Taman Sierra Perdana.

Katanya, antara menu yang menjadi signatur MHR Burgers adalah burger ayam rangup yang dijual pada harga RM5 sebijil.

“Selain itu kami sediakan pelbagai menu pilihan burger mengikut cita rasa pelanggan antaranya burger daging, ayam serta sosej,” katanya.

